

nicht helfen binnen 4 wecken umme (?) oder rechtes umme den schaden, so scholde juwelke disser stede den fredebreker vorloven und vorfesten, liker wise also de stad oder de borger, den geschen were der schade. Der vorsten en schal men nicht vorvesten, sunder wat jewelch stad mach vor de ander bidden, und wan de silben vorsten, 5 dat schullet se don under einander mit guden truwen. Ok scholen disse stede ubholden und hindern disse vorsprokene fredebreker wor se mogen; wurde der jenich gehindert, so scholde man dat weten laten der stad oder den borghern, den de schade geschen were: de solden dar senden klagere mit der stad brefe, den scholde de recht helpen 10 richten ane vare. Den selben fredebrekere schal men nene vorwort geben, dat en si mit willen der stad, der de schade geschen is. Wolden aber de fredebrekere degedingen mit der stadt oder den borgern, den de schade geschen were, umme de sake, de mogen on vorwort geben to den tiden. Verliket se sick mit om, so scholde men sei ut der 15 festunge laten, dat scholde men den andern steden kundigen, dat se se ok ut der festunge laten. Were jenich borger, de disse fredebreker forderde oder hegede oder helde, deme scholde men dat verkundigen ut der stad, der de schade geschen were, dat he se lete binnen 14 nachten oder hülpe, dat de stad weder don worde. Schege des nicht, 20 so scholde de stede darna binnen 4 wecken sik des voreinen, wat sé darto don mochten also, also dat dem lande und den steden bequem were. Welche fredebreker vorlovet oder vorfestet worden binnen disser tid dat disse verbindunge waret, de mach des nicht loss werden, dat en sie mit fulbort des sakewolden und der stede. Were dat de ver- 25 bindunge utginge, doch scholde se in der obertale bliben, und jewede stad scholden der andern rechtes helpen und staden ober denselben fredebreker, likerwise also de verbinding noch stände, dewile dat he des nicht weder dede na minne oder na recht. Ok wat von fredebreker vorlofet oder vorfestet were binnen disser tid, de schal me beschrie- 30 ben binamen in al dissen stücken, dorch¹ dat dat jowelk kleger deste faster si in sinem recht und dorch twifel und vorgetenicheit to bewarende, de den steden daraf mochte fallen. Deit jenich borger von dissen steden dotschlag oder wunden, dene mach men vorfesten in der stad, dar hei dat deit; in den andern steden mach he sin wesen 35 umb (?) sin recht; dede he aber enen andern broke dorch der tadt² willen, de he vore don hadde, der he sik nicht ledigen mochte, so scholde men ene vorfesten in allen dissen steden. Were jenich forste, here oder ander lude, de disser stede jenich vorunrechten wolden binnen disser tid, so scholden de andern stede recht vor se bidden von stunde an 40 wanne it one verkundiget is. Wolden se des nicht von òn nemen, so scholden de andern stede den forsten heren oder de lude nicht behülpe wesen mit fader spiese, mit wapenden luden noch mit neinerli wise, dar de stad schaden an nemen mochte, also lange wente se de stad

1) dorch] doch *Cop.* — 2) *So.*